



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

Imperatoris Constantini ad Concilium epistola. Capvt XXIX.

**urn:nbn:de:hbz:466:1-12704**

inde ad calumniandum arrepta , & bello contra veritatem suscep-  
to, præter alia nefanda facinora , tyrannidis præ-  
rea & contumacię eum coram Imperatore insimulant . Neq;  
certe spes eos frustrata est . Nam Imperator alioqui mansue-  
tissimus , eorum verbis ad iracundiam prouocatus , scripsit  
ad Athanasium epistolam , qua & bilem suam aperuit , &  
ei , vt Tyrum peteret , mandauit . Etenim quoniam suspica-  
batur (quemadmodum ego censeo) Athanasium Cæsareæ,  
propter illius vrbis antistitem , minime velle comparere , id-  
circo iussit , vt conciliū Tyri cogeretur . Itaq; scripsit ad cō-  
cilium epistolam , dignā fane homine pietatis insignibus ex-  
imiè decorato : quæ se habet ad hunc modum .

*Imperatoris Constantini ad Concilium epistola .*

CAPVT. XXIX.

*Constantinus Augustus Sancto Concilio Tyri cōuacato.*

F Visset planè consentanum , & his tam̄ prosperis tempo-  
ribus maxime accommodatum , vt ecclesia catholica à  
seditionibus libera & vacua fuisset , & famuli Christi  
omni nota iam penitus caruissent infamiae . Sed quoniam  
quidam , velut insanx contentionis furore agitati (tantum  
enim abest , vt eos vitam ipsis dignam traducere dicam) om-  
nia perturbare permiscereq; nituntur (quæ res sanè omnem  
calamitatem videtur longe superare) propterea vos vestra  
sponte , vt dicitur , currentes hortor , vt abiecta omni cuncta-  
tione in vnum conueniatis , ad concilium frequentes acce-  
datis , his qui auxiliij indigent , subsidio sitis , fratres in peri-  
culo versantes liberetis , membra seditione distracta redu-  
catis ad concordiam , ea denique in quibus erratum est , dum  
tempus ad eam rem fert , corrigatis : vttot tantisq; prouinciis  
animorum consensum , quem (proh nefas) paucissimorum  
hominum insolentia dissipauerit , de integro restituatis .  
Atque quod ista res Deo omnium rectori pergrata , quodq;  
& nobis optatissima , & vobis ipsis , si pacem inter eos con-  
ciliatis , non adumbratae sed veræ gloriae materia futura sit ,  
arbitror omnes iuxta mecum velle libenter confiteri . No-  
lite igitur morā facere , sed omnes animi neruos huc inten-  
dentes , de propositis controversiis ritè & conuenienter de-  
cidere laborate , & cum omni videlicet alacritate ac fide vñ-  
dique

## THE O D O R . H I S T O R .

dique conuenite: quam Seruator ille, quem nos sancte colimus, prope voce emissa, à nobis maximè semper flagitat. Nec quicquam eorum, quæ ad meam diligentem curâ pertinent, desiderabitur. Quæ autem per literas mihi significastis, omnia à me confecta sunt. Misit igitur ad eos, quos volebatis, episcopos, ut ad vos aduentantes, vobiscum sua sensa & cogitationes communicet. Misit etiam Dionysium, virum consularem, qui eos, quos ad concilium oportet vobis una accedere admoneat, & tum quæ gerantur, tum maxime ut omnia ordine & ratione siat, accurate videat. Quod si quis (sicut minime suspicor) nostrum mandatum etiā iam callidè reijcere studens, recuset ad conciliū aduentare, hinc à nobis aliquis mittetur, qui eum regio mandato de dignitate sua deiiciat, doceatq; non decere quenquam decisib; Imperatoris pro veritate editis aduersari. Erit igitur vestræ sanctitatis officium, ut de cætero summo animorum consensu & iudicio his in quibus vel dedita opera peccatum est, vel per errorem delictum, conuenientem curationem non ad odium alicuius, vel ad gratiam, sed ut canon ecclesiasticus apostolicusq; flagitat, excogitetis: uti tum ecclesiam omni liberetis blasphemia, tum meas curas ac sollicitudines releueris, tum denique pacis beneficium his, qui iam seditionibus perturbatur, præstantes, maximum gloriæ decus vobis ipsis colligatis. Deus vos, fratres charissimi seruet incolumes. Quare cum ipsi hac de causa Tyri essent cōgregati, aduentarunt eò etiam alii nonnulli, qui ob doctrinæ prauitatem accusabantur: in quorum numero fuit Asclepas episcopus Gazæ. Illo quoque aduentauit Athanasius. Sed primum accusationis Athanasio intentatae velut tragediam exponere, deinde ea, quæ ad iudicium de eo latum, quod tam multis in ore est, literis persequi constitui.

*De Concilio Tyri celebrato.* C. A. P. XXX.

**A**rsenium quendam cōmunionis Meletianæ episcopum quidam ex eius factione eo quidem concilio occultant, ut diu ab hominum oculis remotus latitet. Interea tēporis, manu cuiusdam hominis mortui abscissa, eā sale cōditā, in capsa lignea reponūt, circumferūt vndiq;, manum esse prædicant Arsenii, eāq; ab Athanasio excisam prædicat, & propterea